

Lasa eta Zabalen

gorpuzkinen aurkikuntza

Donostiako bi forense Alacanten dira gorpuei proba berriak egiteko

Hango epaileak ez du oraingoz auzia Entzutegi Nazionalaren esku uzteko asmorik

Donostiako Entzutegiko bi mediku forense Alacantera abiatu ziren atzo, ustez Joxean Lasa eta Joxi Zabalenak diren gorpuzkinen behin-betiko identifikaziorako azterketa berriak egitera. Bestalde, Alacanteko epaileak ez du auzia Entzutegi Nazionalaren esku uzteko asmorik.

DONOSTIA

Alacanteko kanposantuan dauden gorpuek Joxean Lasa eta Joxi Zabalenak direla baieztatzeke datuak eskaini dituen azterketa bakarra Francisco Etxeberria Gabilondo Donostiako mediku forenseak joan den astean eginikoa da. Etxeberriaren azterketa, ordea, ez da ofiziala, senideek eta ez epaileak eskatuta egin baitzuen. Hori dela eta, Donostiako Entzutegiak bi forense bidali zituen atzo Alacantera, bertan duela hamar urte aurkitutako gorpuzkinen behin-betiko identifikazioa ahalbidetuko duten proba berriak egin ditzaten.

Iturri juridikoez azaldu duteenez, bi gorpuen identifikazioa doi-doi zehaztuko duen probetako bat ADN analisia da, ziur aski Madrilgo Toxikologia Institutu Nazionalan egingo dutena. Azterketa hau gorpuzkinen lagin baten (hezur edo hortz bat) ADN molekula eta senideek emandakoenak kontrastatzean datza.

Horrez gain, balistika proba egin beharko dute heriotzaren arrazoiak argitzeko eta, ahal ba-



Joxean Lasa eta Joxi Zabalen gorpuek Alacanteko hilerrian daude oraindik.

EFE

da, hilketen egileak zehazteko. Ondoren, iturriek azaldu zuten, litekeena da gorpuzkinak zein egindako diligentziak Entzutegi Nazionalaren esku gelditzea. Une horretan ere, Lasa eta Zabalen desagertzeagatik Donostiako Entzutegian zabalduko sumarioaren diligentziak Entzutegi Nazionalaren esku utziko ditu Fernando Andreu epaileak, hark baitu talde armatuekin lotutako delituak eta Estatutik kanpo gertatutako bahiketak —bi tolosarrak Baionan harrapatu zituzten— ikertzeko eskumena.

Dena den, Alacanteko epailea oraingoz ez dago prest auzia Ma-

drilen esku uzteko, duela hamar urte bertan irekitako sumarioaren eskumena duela uste baitu. Sumarioa 1985ean ireki zen ehiztari batek bi gorpuek aurkitu ondoren, baina beherala itxi zuten gorpuek identifikatu gabe, mediku forenseek tortura eta biolentzia arrastoak atzeman bazituzten ere.

«Epaitegi honetan dagoen dokumentazio guztia ez da hemen-dik aterako, oraingoz», adierazi zuen Carmen Menarguez Alacanteko 2. Instrukzio Epaitegiko buruak atzo. Lasa eta Zabalen gorpuek Alacanten segituko dutela ziurtatu zuen epaileak eta ez zuen baztertu sumarioa berri-

irekitzea. Alacanteko Entzutegi-ko presidentearen ustez ere kasuak ez du bertatik atera behar.

INFORMAZIOA Bestalde, GOARDIA ZIBILARI Donostiako Epaitegiak 1983an Gipuzkoako mugan lanean ari ziren goardia zibil guztien izenak emateko eskatu dio Barne eta Justizia Ministerioari. Iñigo Iruin senideen abokatuak ere 1984ko urtarrilean Tolosan izandako atxiloteketei buruz Goardia Zibilak egindako atestatua eskatuko du, Lasa eta Zabalen desagertzearen eta polizi operazioaren artean loturarik badagoen jakiteko.

Madriren agindutako ikerketak ez du ezer argituko HBren ustez

A.U. / IRUÑEA

Herri Batasunaren iritziz, Espainiako Barne Ministerioak Lasa eta Zabalen hilketak argitzeko asmoz agindu duen ikerketak ez du deustarako balioko, «ikerketa egin behar duten segurtasun indarrak beraiek direlako hilketen erantzunle».

Hala adierazi zuen atzo eguerdian Adolfo Araizek, Madrilgo Gobernuak Iruñean duen ordezkariaren aurrean egindako protesta ekintzan. HBko hainbat hautetsi (Araiz bera, Floren Aoiz eta Itziar Gomez parlamentariak eta Marine Pueio eta Alberto Petri Iruñeko zinegotziak, besteak beste) 'Estatu espainola, estatu

hiltzailea' zioen pankarta baten atzean elkartu ziren Gobernuaren «gerra zikina» salatzeke.

Araizen arabera, Lasa eta Zabalen hilketak «estatu krimenak» izan ziren eta «hogeita zazpi lagun hil zituzten Madrilgo Gobernuaren sosekin». Ildo beretik, diru bereizien eta torturaren aurka deus egiten ez dutenak ere hilketa horien erantzunle direla gehitu zuen HBko foru parlamentariak. Araizen irudikoz, «ezker abertzalearen kontra dena onargarria dela dioten horiek dira gertatuakoaren erantzunle. Beraz, orain ez dute ezer esateko eskubiderik, urteetan tortura zegoela ukatu eta diru bereizien erabilera defenditu baitute».



Lasa eta Zabalen hilketaren aurkako enkartelada egin zuen HBk Iruñean.

JOXE

KAS: «Joxean eta Joxiren hilketak zigorgabetasunaren ondorio dira»

BILBO

KASen iritziz «Joxean eta Joxiren bahiketa, tortura eta hilketa marko konstituzional goardizibilizatu onartu zuten alderdiek eskaintako zigorgabetasunaren ondorio dira». KASen ustez, gaur Tolosaldean iragarrita dagoen greba orokorrak eta borroka egunak «erakutsi behar diete Espainiako Estatuari eta bere kolaboratzaile erregionalistei beraien biolentziak sortzen duen ikarlarria borroka ahalmen bertutua bilakatu dela». KASEk, bestalde, Joxean Lasa eta Joxi Zabalen sufrimenduak Euskal Herriaren eraikuntzaren fruitu jaso dezan lan egingo duen konprometua hartu du.

«Tortura eta guda zikina erabiliz Euskal Herriari eskubide demokratikoak ukatzen dizkion estatu terrorista espainiarrari eskura dauden arma guztiez aurre egitea behar etiko eta politiko sailhestezina da herri honen askatasunaren alde benetako apustua egiten dutenentzat» adierazi zuen Koordinadora Abertzale Sozialistak prentsa agiri batez.

KASEk hipokritatzat jotzen du EAJren jarrera, «Txilen Demokrazia Kristauak Pinochetren estatu kolpea lagundu zuen bezala, EAJk Espainiako Estatu laguntzen du euskal mugimendu independentistaren aurka daraman attergabeko borrokan». GAL zuzendu zutenekin gobernatzera helduz», KASEk dio EAJk PSOErekiko ituna bultzatu zuela «guda zikinarren urterik onenetan».